

UNIVERZITET U BIHAĆU

telefon/faks: 387 (0) 37 222-022

adresa: Pape Ivana Pavla II 2/II,

77000 Bihać

e-mail: kabinetrektora@unbi.ba



UNIVERSITY OF BIHAC

phone/fax: 387 (0) 37 222-022

address: Pape Ivana Pavla II 2/II,

77000 Bihać

e-mail: kabinetrektora@unbi.ba

SENAT

Na osnovu članova 5. i 61. Statuta Univerziteta u Bihaću, a u vezi sa Odlukom Odbora za osiguranje kvaliteta na Univerzitetu u Bihaću broj 09-3534/18 od 11. 6. 2018. na XXX redovnoj sjednici Senata Univerziteta u Bihaću održanoj 28. 11. 2018. godine donesena je

Politika osiguranja kvaliteta studijskih programa

Naslanjajući se na postojeću Misiju, Viziju i Politiku kvaliteta Univerziteta u Bihaću, strateške dokumente, zakonske i druge norme i zahtjeve u sistemu visokog obrazovanja u Bosni i Hercegovini i Evropi, Univerzitet u Bihaću pri definiranju svoje Politike osiguranja kvaliteta studijskih programa utvrđuje sljedeće principe:

- unapređenje kvaliteta studijskog programa je ciklična aktivnost temeljena na (samo)evaluaciji i unapređenjima/izmjenama studijskog programa;
- ključnu ulogu u (pr)ocjeni nivoa (unapređenja) kvaliteta studijskog programa zauzimaju raspoloživi resursi;
- (pr)ocjene kvaliteta studijskog programa će biti temeljene na kvalitativnim i kvantitativnim podacima, uključujući i rezultate anketiranja studenata;
- odgovornost za osiguranje kvaliteta realizacije studijskog programa je primarno na menadžmentu fakulteta na kojem se izvodi studijski program;
- svi akteri visokog obrazovanja moraju biti uključeni u procese osiguranja kvaliteta studijskog programa;
- Politika kvaliteta Univerziteta i u njoj navedene vrijednosti se univerzalno primjenjuju i na oblast ove Politike;
- svaki studijski program mora dati jasnú viziju, ulogu i ciljeve obrazovanja na tom studijskom programu;
- ovom Politikom Univerzitet u Bihaću se obavezuje na poštivanje Standarda i smjernica za osiguranje kvaliteta u Evropskom prostoru visokog obrazovanja (ESG), Kriterija za akreditaciju studijskih programa u BiH i drugih propisa u sferi visokog obrazovanja;
- ova Politika prepostavlja izradu specifičnih politika koje se odnose na pojedine bitne aspekte unapređenja kvaliteta studijskih programa i studentskih ostvarenja;
- akreditacija studijskog programa predstavlja ideal potvrđivanja kvaliteta studijskih programa;

CILJ

Cilj ove Politike je precizno definiranje okvira za interno osiguranje kvaliteta i unapređenja studijskih programa i studentskih ostvarenja u toku studiranja.

PRIMJENA

Ova Politika je primjenjiva na sve studijske programe Univerziteta u Bihaću i fakulteta za koje je predviđeno dodjeljivanje kvalifikacije, uključujući i interdisciplinarne i (zajedničke) studijske programe organizirane sa partnerima.

POLITIKA

Osiguranje kvaliteta studijskih programa teži postizanju izvrsnosti, minimalno u sljedećim područjima:

- *kreiranje i usvajanje studijskih programa,*
- *učenje, poučavanje i vrednovanje usmjereni na studenta,*
- *upis i napredovanje studenata, priznavanje i certificiranje,*
- *ljudski potencijali,*
- *resursi i finansiranje,*
- *upravljanje informacijama o studijskim programima,*
- *informiranje javnosti o studijskim programima,*
- *kontinuirano praćenje, periodična evaluacija i revizija studijskih programa,*
- *mobilnost akademskog osoblja i studenata.*

Istraživački rad je sastavni dio studijskog programa svakog ciklusa studija, prilagođeno tom ciklusu studija, resursima Univerziteta i interesima studenata.

Učenje i poučavanje studenata je ključna aktivnost realizacije studijskog programa uz obavezno ravnomjerno opterećenje studenta, a ostvareni uspjeh predstavlja zajednički rezultat i odgovornost osoblja i studenata.

Mobilnost i internacionalizacija je prepoznata i promovira se u okviru studijskog programa, realizira se posredstvom postojećih mehanizama Univerziteta i na osnovu inovativnih prijedloga osoblja.

Na nivou studijskog programa će se poduzimati praktične mjere i razvijati mehanizmi osiguranja prevencije plagijarizma u radovima studenata i kroz primjere nastavnog osoblja.

Razvoj kulture kvaliteta je kontinuirana obaveza svih aktera u realizaciji studijskog programa.

Unutrašnji akteri uključeni u realizaciju studijskog programa su uključeni u sve faze pripreme, realizacije, analize i (samo)evaluacije studijskog programa.

Vanjski akteri se uključuju minimalno u fazama pripreme i evaluacije ostvarenja studijskog programa.

Fakultet razvija odgovarajuće procedure za osiguranje kvaliteta studijskog programa, u skladu sa procedurama i propisima Univerziteta.

Odgovornost za primjenu ove Politike je na Centru za osiguranje kvaliteta i internu evaluaciju Univerziteta i menadžmentu fakulteta.

Broj: 06-6582/18

Bihać, 28. 11. 2018.



Predsjednik Senata

Prof. dr. Fadil Islamović

Dostaviti:

-oglasna ploča i web stranica Univerziteta

-fakulteti Univerziteta u Bihaću

-a/a